

სახელმწიფო შესყიდვების შესახებ

ხელშეკრულება N-48

ქ.ხაშური

26 ივნისი 2018 წ.

ჩვენ ერთის მხრივ, ააიპ გორის მუნიციპალიტეტის სკოლამდელი აღზრდის სააგენტო(შემდგომში „შემსყიდველი“) წარმოდგენილი მენეჯერის – ლიანა კოჭიაშვილის(პ/ნ 59001021025)სახითა და მეორეს მხრივ, საქართველოს გარემოსა და სოფლის მეურნეობის სამინისტროს სსიპ ეროვნული სატყეო სააგენტოს შიდა ქართლის სატყეო სამსახურის უფროსის გიორგი ნიკოლეიშვილის (პ/ნ 01008004542) სახით, „სახელმწიფო შესყიდვების შესახებ“ საქართველოს კანონის 10¹ მუხლის, მე-3 პუნქტის, „ზ“ ქვეპუნქტისა და „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 46³ მუხლის გათვალისწინებით, ააიპ გორის მუნიციპალიტეტის სკოლამდელი აღზრდის სააგენტოს 2018 წლის დაფინანსების ფარგლებში, გამარტივებული შესყიდვის საშუალებით, ვდებთ სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“), „შემსყიდველსა და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6 „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „საშეშე მერქანი“ - ხე-ტყის დამზადების შედეგად, ხე-ტყისაგან მიღებული ერთ მეტრამდესიგრძის დაკოტრილი ან წვრილი ბოლოდან არაუმეტეს 12 სანტიმეტრის დიამეტრის მქონე მერქნული რესურსი.

2. ხელშეკრულების საგანი

ხელშეკრულების საგანს წარმოადგენს „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 27⁵ მუხლის მე-6 პუნქტის, 45 მუხლის პირველი და მე-2 პუნქტისა და 46³ მუხლის შესაბამისად ააიპ გორის

მუნიციპალიტეტის სკოლამდელი აღზრდის სააგენტოს საშემშენი მერქნული რესურსის მიწოდების უზრუნველყოფის მიზნით მომსახურების სახელმწიფო შესყიდვა (cpv-03413000). კერძოდ, 216 კმ² დამზადებული ფოთლოვანი და წიწვოვანი (140 კმ² ფოთლოვანი და 76 კმ² წიწვოვანი) ჯიშის საშემშენი მერქნული რესურსის მიწოდების ადგილზე გადმოტვირთვა (მოცულობა და მანძილი იხილეთ დანართი 1-ის შესაბამისად).

3. ხელშეკრულების ღირებულება

3.1. ხელშეკრულების ღირებულება განისაზღვრება ეროვნულ ვალუტაში და შეადგენს 23380 (ოცდასამათას სამასოთხმოცი) ლარს.

3.2. ერთი კუბური მეტრი საშემშენი მერქნული რესურსის სარეალიზაციო ფასი განისაზღვრება „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების N9 დანართის შესაბამისად, მერქნული რესურსის სახეობების მიხედვით და შეადგენს ამ ხელშეკრულების მე-2 მუხლში მითითებული მერქნული რესურსისათვის ფოთლოვანი 90 ლარს, ხოლო წიწვოვანი 85 ლარს, (დანართის შენიშვნის გათვალისწინებით, რომ დადგენილი სარეალიზაციო ფასები მოცემულია 30 კმ-ის ჩათვლით მანძილზე ტრანსპორტირებით), ხოლო 30 კმ-ის ზევით ყოველ მომდევნო კილომეტრზე ფასს ემატება 1 კმ-ისათვის 0,50 ლარი.

3.3. ხელშეკრულების ღირებულება მოიცავს შესყიდვის ობიექტის შესყიდვასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა სახის გადასახადს და მოსაკრებელს.

4. შესყიდვის ობიექტის მიწოდების პირობები, ვადა და ადგილი

4.1. „მიწოდებელი“ შესყიდვის ობიექტის მიწოდებას უზრუნველყოფს ეტაპობრივად, არა უგვიანეს 2018 წლის პირველი ნოემბრისა.

4.2. შესყიდვის ობიექტის მიწოდების ვადაში არ ჩაითვლება დროის ის პერიოდი, რომლის განმავლობაშიც ის შეჩერებულია „შემსყიდველის“ მიზეზით.

4.3. შესყიდვის ობიექტის მიწოდების ადგილია „შემსყიდველის“ ადგილსამყოფელი.

5. ხელშეკრულებით ნაკისრი ვალდებულებების შესრულების ინსპექტირება

5.1. ხელშეკრულებით ნაკისრი ვალდებულებების შესრულების ინსპექტირებას განახორციელებს „შემსყიდველის“ მიერ განსაზღვრული პირი.

5.2. ინსპექტირება გულისხმობს „მიწოდებლის“ მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

5.3. ინსპექტირების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიწოდებელს“ საქართველოს კანონმდებლობით დადგენილი წესით.

5.4. ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულებით გათვალისწინებული ვალდებულებისაგან.

6. შესყიდვის ობიექტის მიღება-ჩაბარების წესი

6.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.

6.2. მიღება-ჩაბარების აქტში ნაჩვენები უნდა იქნეს მიწოდებული შესყიდვის ობიექტის ოდენობა და ღირებულება.

6.3. „მიმწოდებელი“ ვალდებულია შესყიდვის ობიექტის მიწოდების დადასტურებისა და ანაზღაურების მიღების მიზნით, „შემსყიდველის“ შესყიდვის ობიექტთან ერთად წარმოუდგინოს შესაბამისი ფინანსური დოკუმენტაცია.

6.4. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება *ააიპ გორის მუნიციპალიტეტის სკოლამდელი აღზრდის სააგენტოს* კონკრეტულად მიწოდების მომენტისათვის განსაზღვრულ უფლებამოსილ პირს.

7. ანგარიშსწორების ფორმები

7.1. მიმწოდებელთან ანგარიშსწორება იწარმოებს, ფაქტიურად გაწეული მომსახურების შესაბამისად, უნაღდო ანგარიშსწორების ფორმით, ეროვნულ ვალუტაში, მხარეების მიერ ხელშეკრულებაში მითითებულ საბანკო ანგარიშზე.

7.2. მიმწოდებელთან ანგარიშსწორება იწარმოებს ფაქტობრივად მიწოდებული შესყიდვის ობიექტის შესაბამისად, მხარეების უფლებამოსილი პირების მიერ ხელმოწერილი მიღება-ჩაბარების აქტისა და წარმოდგენილი საგადასახადო ანგარიშფაქტურის საფუძველზე, აღნიშნული დოკუმენტაციის წარმოდგენიდან არაუგვიანეს 7 (შვიდი) კალენდარული დღის განმავლობაში.

8. მხარეთა უფლება-მოვალეობანი.

8.1. „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.

ბ) მიმწოდებლის ქმედებით ამ ხელშეკრულების მე-9 მუხლის შედეგების დადგომისას, გაწეული მომსახურების ღირებულება გადაიხადოს მიმწოდებლის მიერ პირგასამტეხლოსა და ჯარიმის გადახდის დამადასტურებელი დოკუმენტებისა და მე-6 მუხლით გათვალისწინებული დოკუმენტაციის წარდგენიდან 10 დღის განმავლობაში.

8.2. „შემსყიდველი“ ვალდებულია.

ა) უზრუნველყოს შეყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, „მიმწოდებელს“ გაუწევს შესაბამის კონტროლს.

8.3. „მიმწოდებელი“ უფლებამოსილია.

ა) მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4 „მიმწოდებელი“ ვალდებულია ;

ა) მიაწოდოს „შემსყიდველს“ ხელშეკრულების პირობებით გათვალისწინებული მომსახურება, ხოლო ნაკლის აღმოჩენის შემთხვევაში დაუყოვნებლივ აღმოფხვრას ყველა უზუსტობა.

ბ) სრულად აანაზღაუროს მისი ბრალეულობითა და დაუდევრობით მიყენებული ზარალი.

გ) დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8.5. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო ყოველ გადაცილებულ დღეზე შეუსრულებელი ვალდებულების ღირებულების 0,01 % ოდენობით.

9.2. ხელშეკრულებით ნაკისრი ვალდებულებების შეუსრულებლობის, არასრულადად არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 0,1 % ოდენობით.

9.3. იმ შემთხვევაში თუ დაკისრებული პირგასამტეხლოს ჯამური თანხა შეადგენს ხელშეკრულების ჯამური ღირებულების 5%-ს „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5. პირგასამტეხლოს გამოთვლისას არ გამოიანგარიშება ხელშეკრულებით გათვალისწინებული ინსპექტირებისათვის გახარჯული დრო.

9.6. გამოვლენილი დეფექტის აღმოფხვრასთან დაკავშირებით ინსპექტირების ჯგუფის მიერ განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4. მხარე ვალდებულია 10.3. პუნქტით გათვალისწინებული გადაწყვეტილების მიღების განზრახვის შესახებ დაუყოვნებლივ, წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა აცნობოს მეორე მხარეს კომუნიკაციის ელექტრონული საშუალებით ან /და გაუზიაროს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმდებმა მხარემ 2 (ორი) სამუშაო დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შეფერხების გამო მხარეები შეთანხმდნენ ხელშეკრულების პირობების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ფორს-მაჟორი

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის აღსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა უთანხმოება და დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაშია ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე, **2018 წლის 15 დეკემბრამდე.**

15. შესყიდვის ობიექტის სტანდარტები

ხელშეკრულების ფარგლებში მიწოდებული მომსახურების სპეციფიკაციები უნდა შეესაბამებოდეს მოქმედ სტანდარტსა და ტექნიკურ ნორმებს.

16. სხვა პირობები

ხელშეკრულება და მასთან დაკავშირებული ყველა მოლაპარაკება და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი გადაეცემა „შემსყიდველს“, ხოლო ერთი ეგზემპლარი „მიმწოდებელს“.

17. მხარეთა რეკვიზიტები

„მიმწოდებელი“

საქართველოს გარემოსა და სოფლის მეურნეობის სამინისტროს

სსიპ ეროვნული სატყეო სააგენტო

მის: ქ. თბილისი, გულუას N6

ს/კ 204578581

საბანკო რეკვიზიტები:

სახელმწიფო ხაზინა ა/ა 707367309

შიდა ქართლის სატყეო სამსახურის უფროსი

გიორგი ნიკოლეიშვილი



„შემსყიდველი“

ააიპ გორის მუნიციპალიტეტის სკოლამდელი აღზრდის სააგენტო

ს/კ 418471022

მიმღები ბანკი: სახელმწიფო ხაზინა

მიმღების დასახელება: ხაზინის ერთიანი ანგარიში

ბანკის კოდი: TRESGE22

მენეჯერი



ააიპგორის მუნიციპალიტეტის სკოლამდელი აღზრდის სააგენტო

დანართი # 1

პროგრამის №	დასახელება	მისამართი	მოცულობა ხელშეკრულებით კმ			მანძილი კმ	ღირებულება (ლარი)
			ფოთლოვანი	წიწვოვანი	ჯამი		
1	ატენის სკოლამდელი აღზრდის დაწესებულება	გორი, სოფ. ატენი	6	6	12	54	1194
2	ახალდაბის სკოლამდელი აღზრდის დაწესებულება	გორი, სოფ. ახალდაბა	6	2	8	71	874
3	ახალუბანის სკოლამდელი აღზრდის დაწესებულება	გორი, სოფ. ახალუბანი	6		6	74	672
4	ახრისის სკოლამდელი აღზრდის დაწესებულება	გორი, სოფ. ახრისი	5		5	74	560
5	გარეჯვარის სკოლამდელი აღზრდის დაწესებულება	გორი, სოფ. გარეჯვარი	6	6	12	63	1248
6	კარბის სკოლამდელი აღზრდის დაწესებულება	გორი, სოფ. კარბი	6		6	72	666
7	მარანას სკოლამდელი აღზრდის დაწესებულება	გორი, სოფ. მარანა	5	5	10	75	1100
8	მეჯვრისხევის სკოლამდელი აღზრდის დაწესებულება	გორი, სოფ. მეჯვრისხევი	8	8	16	69	1712
9	რეხას სკოლამდელი აღზრდის დაწესებულება	გორი, სოფ. რეხა	7		7	74	784
10	საქაშეთის სკოლამდელი აღზრდის დაწესებულება	გორი, სოფ. საქაშეთი	6		6	74	672
11	სვენეთის სკოლამდელი აღზრდის დაწესებულება	გორი, სოფ. სვენეთი	6		6	74	672
12	სათემოს სკოლამდელი აღზრდის დაწესებულება	გორი, სოფ. სათემო	5		5	74	560
13	სკრის სკოლამდელი აღზრდის დაწესებულება	გორი, სოფ. სკრა	5	5	10	68	1065
14	ტირძნისის სკოლამდელი აღზრდის დაწესებულება	გორი, სოფ. ტირძნისი	7	7	14	79	1568
15	ტყვიავის სკოლამდელი აღზრდის დაწესებულება	გორი, სოფ. ტყვიავი	4		4	79	458
16	უფლისციხის სკოლამდელი აღზრდის დაწესებულება	გორი, სოფ. უფლისციხე	4		4	78.5	457

17	ფლავისკოლამდელიაღზრდისდაწესებულება	გორი,სოფ.ფლავი	15	15	30	75	3300
18	ქვახვრელისსკოლამდელიაღზრდისდაწესებულება	გორი,სოფ.ქვახვრელი	5	4	9	68	961
19	ქიწნისისსკოლამდელიაღზრდისდაწესებულება	გორი,სოფ.ქიწნისი	5	5	10	67	1060
20	ქიწნისისმეურნეობისსკოლამდელიაღზრდისდაწესებულება	გორი,სოფ.ქიწნისისმეურნეობა	6	2	8	68	862
21	შინდისისსკოლამდელიაღზრდისდაწესებულება	გორი,სოფ.შინდისი	5	4	9	78	1006
22	ხიდისთავისსკოლამდელიაღზრდისდაწესებულება	გორი,სოფ.ხიდისთავი	7	7	14	57	1414
23	N7 სკოლამდელიაღზრდისდაწესებულება	გორი	5		5	56	515
	სულ		140	76	216		23380

მიმწოდებელი:

გიორგი ინკუატიშვილი



დამსყიდველი:

ლიანა კოჭიაშვილი

